

նութեամբ զինուորայ իմոց պահանջեցից: Յայսմ վայրի դատաւորքն անեն-
թադատք՝ բարդեալք ի վերայ իմ զղուռուշս հազարս, ոչ առ չքաւորութեանս
և ոչ յաւարումն գոյիցս նկատելով, յերկրորդումն աւուր առաքեցին առ իս
զվճիռ գնահատութեանն, ծանուցանելով զանդանդաղ հատուցման հարկաւո-
րութիւն: Իբրև տեղեկացայ զիրէն և զմտաւածի զանկարելութիւն հատուց-
ման, գոլով թափուր յամենայնէ զոր ունէի (թէ և սակաւ), ևս զվտանգն որ
ի վերայ կայր՝ անկանելոյ ի ձեռս հերետիկոսաց, խուսել խորհեցայ առ ժա-
մանակ մի. բայց զի ոչ գրաստ գտանիր, և ոչ թէ և գտանիցիր՝ ունէի
զդրամ վարձու, բաց ի 14 զլօթայից Լեհաց, որ պակաս քան զերկուս զու-
ռուշս լինէր, եզերեցի յինքեան՝ հետի խուսիլ ի տեղուջէն, թէ և տկար
և ծեր:

10. — Ի չորեքշաբաթով զօմանս իրս զորս տակաւին ընդ իս ունէի, ա-
ռաքեցի առ Տ. Ստեփաննոս քահանայ Ս. Խաչին, ի պահեստ, և զգրեանս
թողի առ Հարս Վարժարանին. որոց և յայտնեցի զխորհուրդ գնալոյս զան-
խուլ, բայց ոչ զուրն. և յանձնեալ զմանուկն իմ նոցա, երեկոյին պատճա-
ռեցի գնալ ի գնին ֆլասու վանացն, առեալ ընդ իս զխահարարն իմ և զերիս
նկանակս հացի: Եւ տեսեալ զգրուենս բնակութեանն քարաշինի խորտակեցեալս,
ի ներքս զանօթս ապակեղէնս փշրեցեալս, և ի յատակ տանն ցրուեցեալս
զսեղանս, և զառորմունս կտորատեցեալս, ոչ համարձակեցայ անդէն ազա-
նիլ, այլ գնացի ի տուն խահանոցին, յայսմ ամի յինէն նորոգեցեալն, և
զտի զգրուենս նորա ամբողջս: Եւ անդէն զերծեալ զմօրուսս, և թեթևացու-
ցեալ զհերս զլիսոյս, առ ի չճանաչելոյ յումեքէ դիւրակի, օթեցի անդէն.
բայց մեծաւ երկիւղիւ ի Սվէտաց, չուրջանակի բնակողաց. այս է ի վանս
Ռուսաց, ի զերդաստանի Իուշքէվիցին, Իուրքէվիցին, և Սթէքէվիցին.
գուցէ ի գիշերի կամ ըմբռնիցէին կամ սպանանիցէին, և լինեցէի ինքնս
ինքեան մահուան պատճառ: Ուտի յոյժ մեծատաժան գիշեր եղև այն ինձ,
և բնաւին ընդ բոլոր ցայգն՝ կուք մի ո՛չ անկաւ յաչս. նախ, ի կասկածա-
նաց թշնամեաց, որպէս ասացի. երկրորդ յանսուաղութենէ, զի ի տկարու-
թենէ անցելոց աւուրցն, և ի մտատանջմանէ՝ դոյն ինչ ճաշեցի, և յերեկոյին
զոչինչ. երրորդ, յանբաւութենէ լուոց, զորս թողեալք էին ի տեղուջն՝ ողոր-
մելիքն շինականք, որք նախ քան զգալն Սվէտաց փախուցեալք բնակէին
անդ իմով թոյլատրութեամբ, և ի գալ թշնամեաց՝ վերստին յայլուր թագու-
ցեալք էին: Այսց ուրեմն պատճառաց վասն ամենամեծ տագնապաւ ոգւոյ, և
մարմնոյ անհանգստութեամբ՝ տապեցս մինչեւ ցերկրորդ հաւախօսն: Վերայա-
ւելաւ սոցին եւս տարակոյս, զի բաց յ'անցելոյ աւուր անձրեւոյն՝ յայնմ գիշերի
ոչ դադարեաց անձրեւել. և ես ոչ զկոշիկ և ոչ զտրեխ իսկ ունէի, այլ զհա-
նապազորդեան հողաթափն և եթ, որով ելի ի դպրատանէ անտի. և թվիր
ինձ անհնարին՝ այնու գնալ զառաջիկայ ճանապարհն շաղախային, եթէ ոչ
բոկոտն:

11. Ուրեմն, ի հինգշաբաթով յերկրորդում հաւախօսին՝ թէ և մթնագիւ-